

# Discurs / vber desß Hospittals Gebaw, vnd deroselben sonderbaren guten Commoditeten.

**H**ieswolen sonstien die Italianer / von bald zorniget /  
vnd ernstlicher Natur / daher gewachsen seynd / so haben sie je-  
doch gegen den Armen / Kranken vnd Nothleidenden Men-  
schen / gleichsam mehrere Erbarmung / vnd Miltthätigkeit / als nicht  
zum theil/in vnsfern teutschchen Landen geschihet/dieselbige nit nur schlechte  
hiniwegk/wie das thunne Bihe hingehn zulassen so lang es kan oder mag/  
sonder sie lassen ihnen gar eyferig angelegen seyn/Hülff/Rath/vnd gute  
Mittel zuverschaffen/die trostlose von der Welt verachte Personen/wol  
vnd recht zuversorgen / einigen Mangel nit zu leiden/damit vnd nach  
dem Willen Gottes / sie widerumben zu iherer Gesundheit gelangen  
mögen.

Zu welchem Ende / so werden allda / mit grossen vnd mercklichen  
Unkosten / manicherley Hospitaler vnn Gottshäuser auffgebawet/  
(massen dann in meinem / desß 1627. Jahrs in den Truck gegebenen  
Itinerario Italiæ, daselbst an folio 23. 24. zu lesen ist. Was gestalt  
in der so mächtigen Statt Mayland/ ein sehr Pom posisches Hospital  
gefunden wird/darinnen den dürftigen lobwürdig aufgewartet. Nicht  
weniger/ vnd vermög desß obangedeuten Itinerarij, an folio 121. so be-  
findt sich in der grossen Statt Rom/ auchein nit viel geringers Hospi-  
tal/ neben noch viel andern dergleichen angenemmen Gottshäuser mehr/  
alles zu Gottes Lob vnd Ehr / vnd dann zu nutzen desß Nächsten ange-  
sehen ) damit jedes Gebrechten absonderlichen könde curiert werden.  
Vnd

Erstlich für die Statt vnd Landleut/als da seynd gar alterlebte/  
aufgearbeitete/matte Personen/denselben eine Pfründ zuverordnen/da  
dann etwan ein altes paar Ehevolck / oder aber ein Mann/ so wolen ein  
Weib/noch ein stücklein Gelts in ihrem Leben ersparet/mit der guten